

PONTEVEDRIÑA

—IGNACIO GARCÍA, VÍCTOR CASAS • 2ª SECUNDARIA—

Os socialistas din que o goberno non fai nada. Os populares din que España vai ben. Aínda que os lodos tóxicos da mina de Aznalcóllar estean a punto de penetrar no Parque Nacional de Doñana, España vai ben. Aínda que se descubriron as oficinas e algúns nomes do CESID, España vai ben, e é verdade que en proporción con Pontevedra todo vai ben, ata o Sporting de Xixón. A razón é que Pontevedra non vai, quedou estancada, aínda que nos doa e nos preocupe. Exercendo unha comparación futbolística, Pontevedra vai coma o seu equipo de fútbol, na metade da táboa pero a punto de desaparecer, deixar de contar. Mentres tanto, Vigo está en alza en tódolos aspectos; e o que sobra para nós(léase empacadora).

Pero por suposto, imos avanzando, por exemplo o pipicán que é máis utilizado polos pobres, ca polos cans. Tamén a chegada de Continente provoca un avance, un avance nos atascos das estradas.

Só un Teucro de honra e un Rías memorable dan un chisco de ilusión a unha afección cansada de fracasos políticos e sociais.

E' como non, as obras interminables do aparcadoiro de Campolongo, que o único que fai é estorba-lo camiño. Ademais, o parque de Barcelos que sendo bonito, e iso non o negamos, pola súa culpa tiraron moitos plátanos de paseo, por unha árborede ferro homenaxeando as de verdade.

**SE ESPAÑA VAI BEN...
PONTEVEDRA É ESTRANXEIRA**

Pobre Pontevedra
sempre dela falando
pero nunca se fai nada
e seguimos protestando,

No proceso de mellora
que está sufrindo España
como non ía ser menos
Pontevedra a empañía.

Co parking de Barcelos
Pedrosa vai fardando,
pero o de Campolongo...
¿Para cando?

Os artistas lucíronse
coa árbore dedicada ó carballo
e mandaron os de verdade
a tomar polo carallo.

Mención merece o do Lérez
que xa dura un bo anaco,
aínda que algúns se divirtan
quitándolle a cabeza ós patos.

Nos patos da Alameda
houbo unha morea de ratas
agora están no concello
e andan a dúas patas.

Temos un novo invento
chamado empacadora
¡é moi útil! ¡sí, señor!
xunta merda a todas horas.

Pontevedra terra única
terra única de drogas
chupóns acomodados,
porretas, chulos e ratas.

Só Ignacio e Victor
meten dente ó tema
da Pontevedra de Padrosa
que está que dá pena.